

3 SAN JUAN

Yí Necy Huídibi San Juan

Yajniguejx Gayo

1 Señor Gayo:

Nguejxypich capxpocxiń ma miich. Hich miich nyajniguejxyp jada necy. Nnigohuajc'ajtypich ma je mibijcpidijc. Ooy ndzocy njihuiyich miich.

2 Miich migüg, ooy nmigüg'adyii. Dios nmibijctzooybich miid miich ycixpi, huen agujc jotcujc mdzinähuipy etz mmic'idipy m'oy'idipy. Nejhuiybich co oy m'ity ma Dios.

3 Com oy ti njotcugüyich co je mibijcpidijc ajcxy ymiiń ya huídibi jim tzoon ma miich ajcxy, e yi' ajcxy xytiy'ajtmooyich jadu'n nej tiy'dudägy mdzinäy e nań jadu'n nej yajxon mguyduni Dios ytiy'ajt.

4 Ooy njotcújcidyich jac nígi co tiy'ajt nbaadyich jadu'n nej nmigügtijcich cuydungixy Dios ytiy'ajt.

5 Miich migüg huídibi ooy ndzocy njihuiyich, ooy njäygädägyich co oyjäy'ajtin mduń miid je migügtijc. Nígi oy co oyjäy'ajtin mduń miid je migügtijc huídibi ca' m'ixy'adyii.

6 Yí mibijcpidijc, huídibi ti chooń ma miich ajcxy, ti tiy'ajt yejccixy ma je mibijcpidijc ya jadu'n nej miich oyjäy'ajtin mdzachtuń. Ooy oy mduń co mmöy yi migügtijc yi ytu'amgixpi e mguejxnaxy yajxon jadu'n nej Dios jäygädägy.

7 Yí jadu'mbi jay huídibi mguejxnajxyp anajty hue' Dios y'ayuc ycixpi yhuidity, e ca' yi' ajcxy ti

pijctzoy ma je jää ajcxy huidibi ca' Dios ytii'ajt nejhuiiyi.

8 Copicy nbubejtim ajcxy je mibijcpidijc ajcxy huidibi Dios y'ayuc ycixpi yhuidijtcixy. Co jadu'n nbubejtim, chi jadu'n paady nej jihuüy tú'ciy nduunim miid yi' ajcxy ma Dios y'ayuc capx-huäcxii.

Je Diótrefes yjibic-huinma'ñ

9 Ti nnijayiiyich jayhuin je mibijcpidijc huidibi nayyöymújcigixp jim. Jim yajpaady tūg jää huidibi Diótrefes huidibi ca' cöbiga'ñich n'ayucich etz ngötújcincich. Amij agix jada jää chachñayjihuüyii, yi' ci'm tzach'ane'mam ma miich ajcxy.

10 Paady ycixp co nnícxibich jim ma miich ajcxy nyajnimähuamy ajcxy tūg'óciy yi jibic-huinma'ñ huidibi Diótrefes ytumyb, jadu'n nej jibic xyñigapxy xyñi'ojiiyich etz jadu'n nej anii yaj'ixpicy. E nañ ni yi' ca' mmiiidity jocuyc'ajtin jadu'n nej chach'iidich. Nigi ytundigoy co ca' yajjättäga'ñ ajt nmigügtijc huidibi Dios miid ycixpi yhuidity. E co iich ajt nmigüg pinjaty yajjättäga'ñ, chi yi' capx'aducy e yajpidzimy je mibijcp huidibi jää yajjättäc, e ca' je' cöbiga'ñ ma miich mnayyöymujctac.

11 Miich hermano, huidibi ooy ndzocy njihuüyich, ca' mguyduniipy jada jibic-huinma'ñ. Cuydun janchtiy yi oybi huinma'ñ. Yi jää ajcxy huidibi oybi tungixp, yi' ajcxy ymiid Dios ytii'ajt ma yjot yhuinma'ñ. Yi jää ajcxy huidibi jibic tungixp, ca' yi' ajcxy Dios ytii'ajt nejhuiiyi.

Je Demetrio tūg y'ijxpejt oybi

¹² Yí jääy, huïdibi yxii Demetrio, tüg'óciy jääy ajcxy yminaangixy co ooy y'ojäity, e janch yajpaady ma Dios ytiy'ajt. Iich nañ jadu'n nmina'ñich co ooy y'ojäity yí Demetrio, e miich mnejhuüyb co iiich ajt ndiy'ajt janch janch yí'.

Capxycíjxin

¹³ Ooy iiich anajty miich mijcajee ayuc njayajmiidmíydäga'ñ. Per ca' nijayihua'ñ necy'am.

¹⁴ Hue' janchtiy njijp'ixyich co nnicxa'ñich tzojc ma miich ajcxy, e nmíidmíydäga'ñich miich ajcxy ci'm.

¹⁵ Jotcujc'ájtcix. Yí miibijcpidijc ajcxy huïdibi ya yajpatp yajnajxpy ajcxy capxpocxin ma miich ajcxy. Tun may'ajt yajnájxigich ngapxpocxin ma nmigügtijcich jim nidüg nidüg etz xiibety xiibety. Cham ngapxycíxyich, Juan je Apóstol.

El Nuevo Testamento en mixe de Coatlán New Testament in Mixe, Coatlán (MX:mco:Mixe, Coatlán)

copyright © 1976 Wycliffe Bible Translators, Inc.

Language: Coatlán Mixe (Mixe, Coatlán)

Translation by: Wycliffe Bible Translators, Inc.

Mixe, Coatlán [mco], Mexico

Copyright Information

© 1976, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Coatlán

© 1976, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 18 Apr 2025 from source files
dated 29 Jan 2022

4190de74-18ab-52cf-ba4e-5f99ab05892f